

者過半、五位已上六十餘人也、道路置死骸、

〔扶桑略記二十七條〕正曆五年甲午、自正月至十二月、天下疫癘、起自鎮西、遍滿七道、五位以上七十餘人

疫死、六年○長德元年今年夏比疫癘殊盛、納言以上薨者八人、古今未有云々、

〔日本紀略十一條〕長德元年四月廿七日癸卯、定諸國并宇佐宮等、各書寫大般若經、六觀音像、可攘疾疫之災、

〔類聚符宣抄三〕太政官符、五畿七道諸國司、

應、每國圖寫供養陸觀音像大般若經一部事

右大臣宣奉勅、比年疫癘延蔓、病苦彌盛、京內上下之人、多歸津浦、外國遠近之民、悉泥瘴煙、適存危命者、頻携藥石、而忘農桑、纔脫病惱者、鎮營斂葬、以闕貢賦、或比首而俱臥、誰致救療、或舉家而天亡、誰敢收藏、況枯旱涉歲、五穀不登、人物共盡、蓋此時乎、災害之甚、往古未聞、夫觀音能救急難、尤可依怙、般若亦施威力、必攘災孽、仍普仰五畿七道諸國、每國圖寫供養、其料用正稅、若無正稅、用不動穀、且申開用、且以宛行、不動正稅、共以用盡、申請所在官物、將以裁許、近國六七月、中圖寫供養、遠國八九月間、開講演說、供養之後、且注在狀、早以言上、實語勿疑、信力無違、口遺民庶、長期艾安者、諸國承知、依宣行之、符到奉行、

權左中弁源朝臣

右大史坂上大宿禰

長德元年四月廿七日

〔百練抄四條〕長德元年四月六日、關白道隆依病出家十一五月八日、關白右大臣道兼薨、今日左大

臣重信同薨歟、四五月之間、疫疾殊盛、納言已上薨者八人、關白道隆、道兼、左大臣重信、大納言濟時、朝光、道賴、中納言保光、伊涉等也、又四位五位侍臣、并六十餘人、至于七月、漸散、

〔日本紀略十一條〕長德元年七月廿三日丁卯、今年自四月至五月、疾疫殊盛、至七月、頗散、納言以上薨者